

『唐大和上東征傳』（天寶十二載十月廿九日）

和上於天寶十二載十月廿九日戌時。從龍興寺出至江頭。乘舫下。時有廿四沙彌。悲泣趁來。

白和上言「大和上今向海東。重覲無由。我今者最後請預結緣。」乃於江邊。爲廿四沙彌受戒。

訖乘船下。至蘇州黃泗浦。相隨弟子揚州白塔寺僧法進・泉州超功寺僧曇靜・台州開元寺僧思託・揚州興雲寺義靜・衢州靈耀寺法載・寶州開元寺僧法成等一十四人。藤州通善寺尼智首等三人。揚州優婆塞潘仙童・胡國人安如寶・崑崙國人軍法力・瞻波國人善聽。都廿四人。所將如來肉舍利三千粒・功德繡普集變一鋪・阿彌陀如來像一鋪・瑠璃白旃檀千手像一軀。繡千手像一鋪・救苦（世）觀世音像一鋪・藥師彌陀彌・勒菩薩瑞像各一軀・同障子・大方廣佛花嚴經八十卷・大拂名經十六卷・〔金字大品經一部・金字大集經一部〕南本涅槃經一部^{卅八卷}・

四分律六十卷^{或七本}・法勸師四分疏五本各十卷・光統律師四分疏百廿紙・鏡中記二本・智周師菩薩戒疏五卷・靈溪釋子菩薩戒疏二卷・天台止觀法門〔絃義文句各十卷・四教義十二卷・次第禪門十一卷・行法花懺法一卷・小止觀一卷〕六妙門一卷・明了論一卷・定賓律師饒崇義記九卷・補亡（釋）饒崇記一卷・戒疏二本各一卷・觀音寺亮律師義記二本十卷・終南山宣律師含注戒本一卷及疏〔行事抄五本・羯磨疏等二本〕・懷道（素）律師戒本疏四卷・〔大覺律師批記十四卷・音訓二本・比丘尼傳二本四卷〕・玄奘法師西域記一本十二卷・終南山宣律師關中創戒壇圖經一卷・〔法銑律師尼戒本一卷・及疏二卷〕合卅八（四十）部、及玉環水精手幡四口・〔□□金珠□西國瑠璃瓶盛□〕菩提子三斗・青蓮華廿莖・玳瑁疊子八口・天竺草履二量・王右軍真跡行書一帖・小王真跡三帖・天竺末和等雜書五十帖（水精）〔□□□□〕。手幡以下。皆進內裏。又阿育王塔樣金銅塔一區。